

溫江縣志卷二十六

孝友

宋

謝 榮 邑人生平不喜世務崇樸嗜讀書躬耕  
養母飲食必先嘗以進不假手妻孥溫清色養始  
終不少衰嘉魚魯儒爲之作傳

國朝

鄒 璋 邑人事繼母孝偶以故詣省聞母病劇  
懷藥馳歸適楊柳江暴漲衆勸少待不聽策馬赴

溫江縣志

卷二十六 孝友

一

湍流人馬俱溺死聞者哀之

王文煥 邑人領癸巳鄉薦親歿歲時祭奠輒垂  
涕追思不忘

趙 增 邑庠生天性孝友爲人端方正直人咸  
稱有古君子風博覽經史長於詩古文詞有集行  
世

張開羽 邑歲貢丁父憂旣殯築室墓場泣血三  
年未嘗飲酒茹葷邑令旌其孝爲立坊

李 莊 邑人父母皆病疫莊時年十二先後割

左右股以進親疫俱愈後遭母喪莊號哭彌年父感誓不再娶族隣稱孝子

朱世璉 邑人好善喜讀書事親能盡孝養居父母喪先後廬墓六年人稱其孝

夏世綸 邑監生失怙恃廢學經營家計延師訓諸弟稍懈痛哭戒勉弟世緯入邑庠世綱入國子監世超援例布經一堂雍睦同居共爨內外無異言長子沛雲亦入邑庠

王思雍思友 邑人弟兄友愛終不分爨尤好周

溫江縣志

卷二十六 孝友

二

急雍子慶遠入國學孫占鰲嘉慶戊辰科武舉萬富入武庠友子廷棟嘉慶辛酉科武舉德遠入武庠皆謙讓循謹安分克家思雍昆仲年近八十猶健

李品正 邑人性質直孝友不事虛文左右無方先意承志其兄卒遺二子一女品正克成孀嫂志撫妣如己子恩誼篤摯閭里稱孝友

王錫恩 邑人少讀書知大義行四弟兄異居其二兄夫婦先後歿遺二子一女錫恩視如己子二

十年俱成立

張開基 邑庠生性方直不苟言笑父歿開基孝養孀母教弟裕基榮基子際隆俱入邑庠現年八十猶訓子弟不少衰

夏世芳 邑武生性孝友事父母能盡其誠其兄嫂歿遺二子一女皆撫育教訓與己子無異

姜鳳翱 邑人年五十六父母病篤鳳翱刲股以進并祈天默佑尋愈

蔡占輝 邑監生幼失父躬耕奉母漸積家貲樂

捐輸值母喪週年食粥廬墓三年子向陽附貢孫維新庠生卒年八十四歲

溫江縣志卷二十六

行誼

宋

張 邵 字子彥邑人子孝祥狀元及第秦檜羅  
織下獄檜死乃仕後寓烏江遂家焉

國朝

王文煥 邑孝廉博覽經史爲火恤貧濟寡敬老  
懷幼外事不干年逾五旬未仕而卒士林惜之

鄭萬鍾 字介然邑人生平好義有盜稻者爲僕

溫江縣志

卷二十六 行誼

一

所獲釋之戒僕秘其事有客貸金貿易貧無償還  
其券不索尤喜建橋費金以數百計

竹世璿 邑附貢生爲人端方正直廉介自持尤  
樂善好施救災恤患不吝千金邑和盛場火璿出  
米賑濟藩司表其廬曰義周里黨

趙廷儒 邑廩生業精岐黃活人不受謝更喜成  
就人材邑孝廉鄧以中宋廷瑄顧諱等胥受薰陶  
焉

李玉良 邑恩貢生務實敦品細行必矜教子弟

則舉讀聖賢書所學何事兩語爲囑坐立毋稍忽鄉里敬之卒年八十餘

余 繹 邑歲貢敦行篤學非義不爲生平舌耕爲業後進多受陶就

程 珍 邑布衣持家勤儉待人樸誠子際亨茂州學正

劉天壽 邑人性好善傭工積百餘金傾囊建橋落成里人卽以傭工名橋

孫萬先 邑人字後庵家貧業醫頗精遇貧病者

給藥療之不取值有貧歿不能殮更施棺埋葬卒年九十七

陳永祥 邑人字蔚齋嘗拾遺金還其人不受謝子五人皆克家四子憲綸喜善每施棺給貧不能葬者憲綸子柱能繼前志人稱積善之家

陳時惠 邑人無子買一妾係夫貧無奈賣妻度日者時惠憫之助以金帛送還其夫令聞贈尙義宜男匾旌其義已而妻舉一子

曹文耀 邑人拾遺金百餘兩還其人分金謝不

受因送聯云不貪方是寶作善定延祥

傅維孝 邑人好善樂施邑南靜居院門外有橋  
傾圮捐貲重建又捐金百餘作院中焚獻之資又  
培修古橋十餘處鄉閭皆稱義士

董常舒 邑人樂易好善族黨有窘者不時飲助  
遇婚嫁喪葬輒助貧人債不能償則給券付之並  
諭後人毋以此爲口實卒年八十一

曹國相 素好義曾施田四畝入養濟院其子步  
青步雲步瀛皆克家國相年九十四康健如昔閭

溫江縣志

卷二十六 行誼

三

里僉稱人瑞

董懷忠 與姪成烈皆樂善好義曾捐施田四畝  
入養濟院子鵬飛雲飛俱入邑武庠

羅文宣 現年七十二公直好義性謙讓勸人戒  
訟一生不上公堂有人借金五十歷久不償取其  
券還之毫無德色子含章入邑庠

曹毓奇 性謙讓以孝友世其家鄉黨皆化之

余向仁 江西籍性樂善曾於新開江總理建修  
德合橋後屢值水漲橋傾募補不給九次自捐金

三百餘兩行人賴焉卒年八十五  
劉敦玉 好善樂施有債難償者給還其券嘗拾遺金百兩餘還其人又於沙子河建石橋三座捐金四百餘人稱義舉子世魁入雙流庠  
孫萬先 原籍邛州後遷於溫以吏員考職因親老不仕業醫存心濟人療治多驗並不受謝人皆尊禮之子三人長朝選早歿次朝偉國子生次朝玉正九品孫曾繞膝皆能世其家萬先年九十二卒

劉自沛 邑貢生爲人厚重慷慨尤好周濟嘉慶癸酉年全節鄉火遇災無食者多自沛日給米四石饑者賴以不窘如是者月餘

雷 崇 其子永年監生皆好義游家渡建修大小橋四座崇父子捐百金襄助又邑西關外火施米二十餘石以濟被災家

王爾貴 邑處士妻文氏子吏員元泰勤儉成家好善樂施至老不倦爾貴年八十六歲文氏年八十五歲